



**Politička organizacija građana "Naša stranka"**  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: nasastranka@nasastranka.ba  
Web: www.nasastranka.ba

**Sanela Klarić**

Zastupnica u Skupštini Kantona Sarajevo  
Sarajevo, 29.3.2023. godine

**Dostaviti:**

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
n/r Predsjedavajući g. Elvedin Okerić

**Uputiti:**

Vlada Kantona Sarajevo

## **PREDMET: ZASTUPNIČKA INICIJATIVA**

Poštovani, na osnovu člana 211. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22), Vladi Kantona Sarajevo, odnosno gore navedenom ministarstvu upućujem sljedeće zastupničko pitanje:

- **U kojoj je fazi implementacija obaveza preuzetih usvajanjem Rezolucije o unaprijeđenju kvalitete zraka u zatvorenom prostoru, predlagačice Vildane Bešlije, usvojene od strane ove skupštine prije gotovo dvije godine?**

### **OBRAZLOŽENJE:**

Veliki broj provedenih istraživanja jasno ukazuju na povezanost između izloženosti zagađujućim materijama iz okruženja i razvoja akutnih i hroničnih oboljenja kod ljudi. Podaci Svjetske zdravstvene organizacije (SZO) ukazuju da devet od deset ljudi udiše zrak u kojem koncentracije zagađujućih materija premašuju ograničenja data u smjernicama, a slabo i srednje razvijene zemlje pate od najveće izloženosti. Zagađujuće materije se mogu zadržavati duži vremenski period u zraku zatvorenih prostora i tako uticati na ljude putem različitih načina ekspozicije, i to inhalacijom, ingestijom ili preko kože.

Djeca su najosjetljivija na zdravstvene učinke zagađenja zraka. Osjetljivost djece je najčešće posljedica nezrelosti njihovog respiratornog, imunološkog, reproduktivnog, centralnog nervnog i probavnog sistema. Štetni uticaji loše kvalitete unutrašnjeg zraka se prvenstveno manifestuju problemima s respiratornim i kardiovaskularnim sistemom, nastankom karcinoma i drugim bolestima izazvanim nepovoljnim okruženjem, kao i učincima na pažnju i akademski uspjeh školske djece.

Simptomi i oboljenja koje izazivaju pojedine zagađujuće materije iz unutrašnjeg zraka su prepoznati i definisani u preporukama SZO, kao i u rezolucijama, akcionim planovima i uredbama institucija Evropske unije (EU).

Sa pandemijom virusa SARS-COV2 pitanje kvaliteta zraka u zatvorenom postaje još aktuelnije jer su i djeca i odrasli primorani više vremena provoditi u zatvorenom prostoru uz povećanje rizika od zaraze i razvoja bolesti u zagađenim, vlažnim, zagušljivim i nedovoljno ventiliranim prostorima.

Zbog svega navedenog, Skupština Kantona Sarajevo je u maju 2021. godine obavezala Vladu Kantona Sarajevo da imenuje interdisciplinarnu radnu grupu, koju trebaju činiti predstavnici e Ministarstva komunalne privrede, infrastrukture, prostornog uređenja, građenja i zaštite okoliša, Ministarstva predškolskog, osnovnog i srednjeg obrazovanja, Ministarstva zdravstva, Ministarstva pravde i uprave te međunarodnih i domaćih nevladinih organizacija i nezavisnih eksperata koje se bave zaštitom zraka u zatvorenom, a čiji bi rezultati rada u prvoj godini od imenovanja trebali biti:

- Akcioni plan za zaštitu djece i mladih osoba od zagađenja zraka u zatvorenom prostoru;
- Nacrt zakona o kvaliteti zraka u zatvorenom u Kantonu Sarajevo;
- Nacrt zakona o građenju u Kantonu Sarajevo;
- Izmjene i dopune Pedagoških standarda i normativa prostora, opreme i didaktičkih sredstava predškolskog odgoja i obrazovanja;
- Izmjene i dopune Pedagoških standarda i općih normativa za osnovni odgoj i obrazovanje i normative radnog prostora, opreme nastavnih sredstava i učila po predmetima za osnovnu školu;
- Izmjene i dopune Pedagoških standarda i normativa za srednje obrazovanje.

Skupština Kantona Sarajevo također je obavezala Vladu Kantona Sarajevo da preduzme korake ka:

- jačanju ljudskih i tehničkih kapaciteta za ažurnije prikupljanje podataka o kvaliteti zraka u predškolskim ustanovama, osnovnim i srednjim školama;
- podizanju svijesti građanki i građana Kantona Sarajevo o štetnim efektima zagađenog zraka u kućanstvima;
- podizanju svijesti poslodavaca u Kantonu Sarajevo o štetnim efektima zagađenog zraka na radnom mjestu;
- podizanju svijesti o neophodnosti primjene održivih i neškodljivih materijala u građenju i rekonstrukciji objekata.

Pošto je predmetna Rezolucija jednoglasna usvojena na Skupštini Kantona Sarajevo u maju 2021. godine jako je važno da dobijemo odgovor u kojoj je fazi implementacija obaveza preuzetih usvajanjem Rezolucije o unaprijeđenju kvalitete zraka u zatvorenom prostoru, usvojene od strane ove skupštine prije gotovo dvije godine?

S poštovanjem

  
Sanela Klarić